



# Hmasawanna Thar

( A N I N D E P E N D E N T D A I L Y N E W S P A P E R )

Regd. No. RNI - 40917/89 | Postal Regd. No. MNP - 67



Church of Scientology le Leah Remini kâr thuboi a zuol tieng ap'an-P4

Contact Numbers pawimaw :  
DC/CCPur : 03874-234234  
SP/CCPur : 03874-236747  
Police Station : 03874-202248  
SP Control Room: 03874-233239  
Dist. Hospital Casualty : 03874-233370  
Fire Brigade : 8974 147 799/  
8258 057 887 / 8974 103 600

Hmasawanna Thar Vol - 32/94

Churachandpur

email : hmasawnnatharnews@yahoo.com

Phone: +91-3874-236846

Rs 6/- per copy

## CHANCHIN LAKTAWI

### Jan. 16-ah Pherzawl District lawmna

CCPUR: January 16, 2017 khin Pherzawl Community Hall, Pherzawl, Manipur hmuna Pherzawl District thar lawmna puithu taka hmang tum a ni a. District lawmna programme hi sun le zan haia hun hmang ning a tih. Hi huna thang ding hin Pherzawl District Celebration Committee chun mitin an fiel.

### ELWA Gen. Assembly

CCPUR: Manipur Evangelical Lutheran Church (MELC) hnuoia Evangelical Lutheran Women Association (ELWA) General Hqrs kumtawp khawmpui a wavi 57-na chu MELC Simveng Biekin-ah nei mek a ni a, zanikhan Bible bu hmang English le Zo tawngin inruolsiekna an nei a, "Apprentice Leadership" ti thupui hmangin seminar nei a ni a, vawisun hin election nei an tih.

### Childrens Retreat zo a ni tah

CCPUR: For One Life huohawtnaa January 9, 2017 a inthawk HSA Campus, Rengkai hmuna 4th Childrens Retreat-2017 neia um chu zanikhan hmang zo a lo ni tah. Retreat sung hin naupang hai chu game chi hran hran bakah Bible story, Pathien thu le hlaa insukhlina nei pui an nih.

### Field work orientation an nei

CCPUR: Sangai International Univeristy Manipur (SIUM), Churachandpur a Master in Social Work (MSW) student hai chun zanikhan Lamka Rehabilitation and Research Centre (LRRC), Bungmual, CCPur hmuna field work Orientation an nei. Hi huna hin student han thil indawn nuom an nei hai indawna hun an hmang. December thla khawm khan Centre for Community Initiatives (CCI) an lo kan ta bawka a nih. Field Orientation hi Asst. Professor, Mung Tonsing le Nianghoihching, Sangai University, Manipur han an irawai.

## GAS NEWS

Agency : KIM JOE  
Booking : 7th. Oct. 2016 to 7th. Nov. 2016  
Delivery : 14-01-2017(SAT)  
Time : 8:00AM - till stock  
STOCK : 306  
No DBC, No 19kg.

## Pavanglai Founding Day hmang a nih

CCPUR: Jan. 13, 2017 khan Pavanglai Department thar, Independent Church of India hnuoia a hmasatak Tuit haphai Presbytery. Founding Day (January 13) Presbytery level-a lawmna (celebration) hmasatak chu Rengkai ICI Biekin ah hmang a nih. Khaw hran hrana inthawkin Pavanglai mi 200 vel fe khawmin sunah Pathien thu le hlaa inpawlkhawmna neini zantieng ruoi hlumun tak kil tläng a nih. Hi huna Speaker-hai chu Rev. Lalramlawn Inbuon le Upa Evan John hai an ni a. Blessed Choir le ICI Central Choir, Ms Esther Darthang-zuol le Ms Lalhlumun haia inthawkin Pathien inpakna

## EVM 65 a hung lung belsa



CCPUR: 11th Manipur Legislative Assembly Election March 4 le 8, 2017 haia phase pahnia nei ding le inzawma Churachandpur District Assembly Constituencies 6 haia inthlangna um ding le inzawmin Electronic Voting Machines (EVM) 65 zanikhan Churachandpur hung phurtlung belsa an nih. Tuta CCPur-a EVM 390 um hai bakah zanita hung lung belsa hai leh CCPur district-a EVM umzat chu 450 a tling tah. Zanita EVM 65 hunglung thar hai hi SVFEP hnuoia familiarization campaign-a hmang ding niin ei thu dawngna chun a hril.

Election ei neina ding hna ta hle sien khawm Election Model Code of Conduct a khau lei bakah Election Notification insuo a la ninaw lein political party tum tum hai khawmin a rise zawnga chetna an la nei hri nawh.

11th Manipur Assembly Election phase pahnia

## SSPP GHQ in Foundation day/ Siamsin Award semna



CCPUR: Siamsinpawlp (SSPP) GHQ chun Jan. 13, 2017, 10:45AM khan Angel's Place, Bungmual hmuna 70th Siamsinpawlp Foundation Day-Cum-Siamsin Award semna hun an hmang a, hi huna hin inchukna tieng le sina inzick thing thar hai chawimawina inhlun an nih. Hi huna hin MPSC a hlawtlingna chang thar Teresa Tangpua, Lianminthang Samte le T. Chinkhansiam hai khawm thangin thuhriina hun an hmang bakah chawimawina inhlun an ni a. Thangzaman Hauzel, Chief General Manager, RBI, Imphal in infuina thucha a

## hla hring tak tak ngaitlāk a nih bawka.

Thuhrlit Rev. Lalramlawn Inbuon chun, "Ei ram Kohran haiin thlarau boral ding neka thil dang, project le taksa hmasawna thilhai ei buoipui lem ta chun hausa tiel tiel inla khawm thlarau tieng ei rethei tiel tiel ding a nih. Kohran sungah Pathien thutak anga inremna a um tah nawa chung tieng rawl hre lova mihrim vanaa ro ei rel tah chun Kohran in-pumkhat le Pathien ditawnga hmasawna um thei nav nih" tiin a hril a. Pavanglai-hai hi hmatiennga Kohran ban an ni thu a hril bawka. Upa Evan John chun, "Pavanglaihai hi insung le

## Manipur CM O.Ibobi Singh Thoubal A/C ah nuhmei pahni in an inkhingpui ding

IMPHAL: Manipur Assembly Election hung um dinga hin Manipur Chief Minister ni laizing Okram Ibobi Singh chu Thoubal Assembly Constituency-ah nuhmei pahni in inkhingpui an tum a, hma an lak tan der tah.

Okram Ibobi Singh inkhingpui tuma hma la tan mek hai chu PRJA thuoitu Irom Sharmila Chanu le Ms Indira Oinam hai an nih. 31-Thoubal Assembly Constituency a hin Okram Ibobi Singh hi term hni lai lo tling ta a nih. 10th Manipur Legislative Assembly Election -a khan Oinam Indira hin 31-Thoubal A/C ah BJP ticket in Okram Ibobi Singh hi a lo inkhingpui ta a, sienkhawm a hne naw a nih. Irom Chanu Sharmila



Indira Oinam



O.Ibobi Singh



Irom Sharmila

chun tuta hma daia inthawka kha Okram Ibobi Singh hi an khingpui ding thu a lo puonglang ta a nih.

Ms Indira Oinam hi Women's Income Generation Centre (WIGC), Thoubal, Manipur a Secretary ni lai mek, thienna tieng Manipur University hnuoia Waikhom Mani Girls College, Thoubal a

inshawk kum 1998 a kha BA Education first class-a zo a nih. Social activities hran hran haia lo inhmang le hotu nina khawm lo chel hlak a ni a, Awards khawm 10 chung lai lo dawng ta a nih.

Irom Sharmila Chanu hi Manipur-a inthawk AF-SPA hlip ding thangkhat chung zet bungheia nuorna lo nei tah, a bungheia

tawpsana politics lut a nih. CM Okram Ibobi Singh hi MPCC President T.N. Haokip leh New Delhi-ah an la chamzing a, Assembly Election hung um ding le inzawma Congress Party Candidate dinghai final list buoipua um nia hril an nih.

O.Ibobi Singh nuhmei Okram Ongbi Landhoni Devi chu tuta tum hin

term hni zet a lo tlingna Khangabok A/C a ngir ta loina naupa Okram Surjakumar alias Kenedy (29) inken a ta, Congress ticket in a ngir ding nia hril a nih.

Manipur-a MLA ngir tum hai laia a naupang tak a ni ring a nih. Surjakumar hi Kingston Univeristy, London a Bachelors Degree (Economics) zo a nih.

## BJP an party khatin an ngir ding: Prahlad Singh

GUWAHATI/IMPHAL: BJP Manipur in-charge Prahlad Singh Patel chun, Manipur Assembly Election hung um dinga hin BJP chu party dang le thanguol loin an party malin an ngir ding thu le Assembly Constituencies 60 haiah candidate an nei vawng ding thu zanikhan a hril.

Nagaland-a sawrkarna

siem mektu Naga Peoples Front (NPF) chun Manipur hill areas-ah BJP thlawp thlawp a, sienkhawm BJP chun thanguolpui tumna a nei chung naw thu a hril. NPF hi tulai hnaia BJP in an indin thar Northeast Democratic Alliance (NEDA) a member pakhat ve an nih.

Manipur a hin Congress chu an party khatin

an ngir ding bakah CPI, CPIM, NCP, AAP le JDU chun thanguol dingin tulai hnaia khan third front Left Democratic Front of Manipur (LDFM) an lo indin ta bawka a. Anni baka hin Trinamool Congress le Human Right activist Irom Sharmila party Resurgence and Justice Alliance (PRJA) khawm an ngir ding a nih.

## Regional Director SSC (NER) in ngenna a siem

CCPUR/GUWAHATI: Staff Selection Commission (SSC) huohawtnaa Combined Higher Secondary Level, 2016 (Tier-I) Exam hung um ding le inzawmin Staff Selection Commission (NER), Gu-

wahati chun Manipur-a pawl, organisations le pawl tum tum hai chu hi exam-a Manipur mi candidates 15,000 chung zet um han hasratna an tuok nawna dingin January 15, 2017 a inthawk

February 1, 2017 inkarsung Bandhs/Strikes/agitation thaw lo dingin Jan. 12, 2017 khan Regional Director (NER), SSC chun Press Note insuoin Chanchinbu hai fethlenging ngenna a siem.

## Red Shield Division Command-tu an inthlakthleng



IMPHAL: Jan. 12, 2017 a inthawk khan Major General U Suresh Kumar, YSM, VSM chun Red Shield Division Command sin a chel tan. Ama hin Major General Shank Shekhar Mishra,

VSM a hung thlakthleng a nih. Manipur-ah muongna le inremna a um pei theina dingin Red Shield Division chun hma la pei a tih tiin Major General U. Suresh Kumar chun a hril.

## Pasal nekin nuhmei vote a tam lem

IMPHAL: Manipur Assembly Constituencies 60 haiah chun pasal nekin nuhmei vote a tam lem. Pasal vote umzat 94966 a ni a, nuhmei vote umzat 98872 a nih.

votes 968312 a nih. Churachandpur District a khawm pasal nekin nuhmei votes 3906 in a tam lem. Pasal vote umzat 94966 a ni a, nuhmei vote umzat 98872 a nih.

## CCPur District-ah HIV/AIDS Positive 3,573 registered

CCPUR: District AIDS Prevention & Control Unit (DAPCU), CCPur chun December 2016 thla sung khan mi 911 hai thaisen an enfelnaah HIV/AIDS positive mi 9 an hmuok. Churachandpur district sunga Intetreted & Testing Centre (ICTC) tum tum haiah mi 497 in test an thaw a, hi laia mi 9 positive an ni a, anni laia 8 in ART Centre-ah registration an thaw a, mi 5 in ART damdawi an fak tan. December, 2016 thla

sung bawka khan nuhmei naupai mi 414 enfel an ni a, HIV positive hmu an ni naw a, sienkhawm positive pakhatin thla kim lovin nau a nei a, a nu hin ANC check-up history khawm a neinaw bawka a, naute hi treatment pek hman lovin a thi. Hi thla sung ma hin Injecting Drug User (IDU) mi 127 le Female Sex Worker (FSW) mi 155 hai test thaw anni a, sienkhawm HIV/AIDS positive hmu an ni nawh. Kum 2006 a District

## Class XII Original Certificate lak thei ding

IMPHAL: Council of Higher Secondary Education, Manipur hnuoia Higher Secondary Examination (Class XII), 2016 a Original Certificate chu January 16, 2017 a inthawk Council Office, Imphal-ah lak tan thei ning a nih tiin Council of Higher Secondary Education Manipur thusok chun a hril.

## Wabagai-ah AR han bomb an hmu



IMPHAL: Zani zingkar khan 22-Assam Rifles han Thoubal District sunga Wabagai Tera Pishak an ti hmuna bomb an hmu a, Bomb disposal squad han zani 11:30AM vel khan an va lak a, pawitawk nawna ding hmuna an sukpuok.

## Governor khuollienin a thang



IMPHAL: Lions Club of Manipur huohawtnain zanikhan Lamyamba Shanglen, Palace Compound, Imphal-ah Lion Centennial, Manipur Region hmang a ni a, Manipur Governor Dr Najma A. Heptulla chu hi huna hin khuollienin a thang. Mi riengvai, chan-

hai le mi vanguarduoi-hai thangpui tluka hlu le ropui sin dang a um chungonawh. Hiengang mi-hai thangpui le sawmdawl dinga Lion-hai an inpei zing hi ngaisang um ka tih tiin hi huna thu a hril huna Dr Naj A. Heptulla chun a hril.

## Th. Shyamkumar in a hniel

IMPHAL: Delhi Police han Manipur-a helpawlhai le inzawmna neia an intumna chu Manipur Congress MLA Thounaojam Shyamkumar in a hniel. Intuma ka umna hi thil vanguarduoihlak takel a nih. Intuma ka umna thua hin kum 2007 khan man ka ni a, sienkhawm intuma ka umna chu Court in

thudik nia a hriet naw lein insuo nawk ka ni a, chu zova Andro A/C ah ka ngir a, thlanglingin ka hung um a nih. lengti kawng zawng khawmin helpawlhai leh inzawmna ka nei ngawh tiin zanita a chengna ina Thounaojam Shyamkumar in Chanchinbumihai an hmuipui huna a hril.

## MANIREDA in pakhatna a lak

CCPUR: Ministry of New and Renewable Energy, Govt. of India hnuoia Manipur Renewable Energy Development Agency (MANIREDA) chu kum 2015-16 Off Grid and Decentralized Solar Application Program thaw tha tak lawman pakhatna Award dawng dinga thlang a nih. MANIREDA hin Solar

Pack-ah Senapati le Churachandpur District haiah a thaw thla hle a nih. Award hi January 24, 2017 khin Gulmohar Hall, India Habitat Centre, Lodhi Road, New Delhi hmuna Minister of Coal, Mines and NRE in semdawka nei a tih tiin Dr G. Prasad, Scientist-F, Director, MANIREDA chun a hril.

Phungzathang Tonsing  
Member  
Manipur Legislative Assembly

Salem House, Paite Veng  
Airport Road, Imphal  
Phone: 0385-2455555

## ELECTION TOH KISAI THU-PUAN LEH NGETNA

Manipur Assembly Election March ni 4 & 8, 2017 in neih ahi ding chia Election Commission of India in apuan dungzuin, kei leng ka bial ngei Churachandpur Constituency mah ah Ding (Contest) nawn dingin thupukna ka baw hi chih ka bial mipite kiang ah theisakna kon baw hi.

Tua ahimmanin, kuamh in lungsim dang neilou a, I maban Politics toh kisai le i sep laklohte banah sep ding omilaite sepsuahna ding a thathak la a, hehpihtak a pan honna lakpich chiat (Support) non dingin ka hon ngen hi.

Gam leh nam a dia na seppih uh,  
Sd/-  
Phungzathang Tonsing  
Member of Legislative Assembly  
Churachandpur A/C (ST), Manipur.

## VAWISUN THUPUI

Chuongchun a ropuina a hung inlang pha chun nangni khawm hlimtakin lawm thei in tih. Krista hming leia hal in ni chun in ham a tha; ropuina Thlarau le Pathien Thlarau chu in chungah a um si a.  
- 1 Peter 4:13-14

## Editorial

### Mani thuhiril bawzui le sukputling

Ei ram thuoituhai chun thudik le thu tha tak tak an hrilrawn ta hle a, an hril angin zaah sawm khawm hlawling nisienla chu tuta ang chau hi ni ta nawng ei ta, ei ram hi hmasawnin a parvul chuk ta ngei ring a um. Amiruokchu, ei ram thuoitu haiin an thuhiril an bawzui naw a, an sukputling ngai naw leiin ei ram chu kawng iengkimah ram hmasawnta le changkang tahai phakzo lovin ei lahnufuol zing a, ram changkang le hmasawnta tahai inhnar ngawi ngawin ei la umzing a nih. Ei ram thuoitu han an thuhirilhai an bawzui a, a tam lem an sukputling huna ei ram hi a hung hmasawnta le a hung changkang thei ding chau a nih. Chu hun chu ram mipui han thlerin ei ngakzing a nih.

Union Minister of State for Home Kiren Rijiju chun Imphal a hung inzin nuhnung tak tum khan Manipur a Economic Blockade um chu suktawp nghal a ni ding thu a hril a. Hi thu hin Manipur mipuihai lungril a suk-lawm hle. Amiruokchu, a thuhiril hi tuchen hin bawzui a ninaw leiin a la puitling naw a, economic blockade chu a fe pangngaiin a la fe zing a, UNC in economic blockade an thaw chu wawisun hi ni 75 zet a tlingna a ni tah. Economic Blockade hlip le suktawp a ni nawna thua Manipur CM a dem le an tum el hi chu ngai nuom um a ninaw a, ngaisang a um naw hle bawk.

Ei PM Narendra Modi khawmin thudik le thu tha tak tak a hril a, mipui an lawm hle. Amiruokchu, a thuhiril hai hi a taka sukdkik le sukputling a la ninawna hin mipui ngaisang le ngaihut a hlaw ding angin ngaisang le ngaihut a hlawzow naw pha niin an lang. Rs. 500 le Rs. 1000 note hluihai thatna chungchanga mipui harsatna le buoina chu ni 50 hnungah a hung re el ding a nih tiin a hril a. Hi thu a hrii inthawk ni 67 zet a liem ta a, sienkhawm demonetisation policy leia India mipuihai harsatna chu a la re naw a, ei buoipti tak le ei harsatna tak a la nih. Hieng a ni lei hin ram thuoituhai hin thil ni thei lo ding le an sukputling thei lo ding thu hi hril ngai nawhai sienla nuom a um.

Manipur mipuihai khawm March 4 le 8 haia vote thlak ding ei ni a. Hi election ding le inzawm hin Political party tum tuma thuoituhai le candidate-hai chun mipui zawmain thu tha tak tak hung hril an ta, election Manifesto tha tak tak hung tlangzar nawk ngei an tih. Hlema ei um nawna dingin hi kawngah hin mipuihai ei fimkhur hle nuom a um. Mani thuhiril bawzui ngailo le sukputling ngailo hai kha tu ham an na ti kha hriet tlat ding a nih. Ei ramini mani thuhiril bawzui sukputling hlak mi a mamaw a. Chuong mihiem chu ei thlangting a tul a nih. Vote dit lei chau a thiem tak le nam zuta thuhiril le thutiem nei tihai hi ei hnaw ngam a hun ta takzet a nih.

Ei ramah Pathien thuhiril thiem khawm an tam tah. Amiruokchu, a zui le a zawm tiengpang hi ei la baksam hle. A hriituhai khawma an thuhiril hi an zui naw a, an zawm chuong bawk nawh. Thenkhat lem hin chu mihai zui le zawm dinga an hril mei an naw mani ti theia a um chang khawm a um hlak. Hieng-gang hi ei ram ngirhum a ni leiin Politician-hai chau ni lovin Pathien thuhirituhai khawm hin an Pathien thuhirilhai hi an bawzui a, an zui indik annawleh an nuna an hmgang a, an nuna an suklang ve hi a tul takzet a nih. Pathien thuhiril thiem le hlima lam ringawt hai hi chu vanram kaina ding niin an lang nawh. A thu zawm hi vanram kaina ding chabi ni lem a tih.

Thuhiril thiem ni hi a hlu a, mihai ngaisang le inza hlaw theina a nih. Amiruokchu, ienganga thuhiril thiem khawm ni inla, ei thuhiril anga ei nunpui naw chun mi-hai mi hmu teplona a nih. Hi lei hin thuhiril thiem chau ni lova, mani thuhiril ngei bawzuitu le sukputlingtu ni tum ding a nih. Thuhiril a thiem vei leh "anachu" ti a um pha pha chu a fel naw a, an dikanaw le baksam a um a nih ti hriet ding a nih. Pathien thu khawm ni raw seh, politics khawm ni raw seh, kawntang, ram le hnaw thil khwm ni raw seh, mani thuhiril bawzui sukputling hlakhai hin mihai ringzo an hlaw hlak. Chuongang mi chu ni tum seng ei tiu.

### ALL INDIA RADIO: CHURACHANDPUR PROGRAMME

Hours	Studio/CR/P	Programme	CD/No
5.23pm	CR/P	Signature	
5.25pm	CR/P	Vande Mataram, Time Reading, Opening Announcement & Mangal Dhvani	
5.30pm	P	PAITE Prog., sig. Tune & Announcement <i>Announcer: Ngaibaklun</i> 1) EBC Central Choir (dev) 2) CVP: Lianzang & party (dev) 3) Employment News	CD-885 CD-241
6.00pm	P	HMAR Prog., sig. Tune & Announcement <i>Announcer: Mary</i> 1) Hmarveng Gospel Group (dev) 2) Lalrawngbawl (dev) 3) Employment News	CD-765 CD-765
6.30pm	P	THADOU Prog., sig. Tune & Announcement <i>Announcer: Nemjalhai</i> 1) Janglal Khongsai (mod) 2) Talk: "Need of Nutricious meal" by Hoichullou 3) Employment News	CD-1679 CD-1809
7.00pm	P	FARM & HOME: Thadou 1) Thongminlun Haokip & party 2) Talk: "Women's Right" by Lhaineikim	CD-1160 CD-1623

### Editorial Board

**Lalmalsawm Sellate:** Editor & Publisher  
**Roding L. Sellate:** Jt. Editor  
**Ramdutum @ Rama Ralsun:** Asst. Editor  
**Lalsansuok Pulamte & Samuel Zothanglien@SZ Zote:** Sports  
**Joseph Joute:** Freelance  
**Lalruotlien Dulien:** Computer Assistant  
*Edited & Published by Lalmalsawm Sellate at HT Office, Lighthouse Lane, Churachandpur and Printed by him at Lamka Super Printer, Vengnuam, Hiangtam Lamka, CCPur, Manipur.*

# Dite Ka Ngai Em Che

-Lallungawi

Hmar Sai hla laia lâr pâlwtak, 'Dite ka ngai em che' hi mi pathum – Kaitinthang, Edward T.C.Hrangate le R.Th Varte hai phuok a nih. Hi hla chungchâng hi a phuoktuhai laia pakhat R.Th Varte'n kha hma khaan ei chanchinbuah a hung ziek ta a. An phuokna san hai a kip a kâwiin a phawr lang ngam naw khawmin, a hung suok dân hang suidawn thei ding chun ram tin a mi hril tho a. Kha'ng ang thu bengvâr thlâktak kha lo sie that ding âwmtak ka n'a. Ka lo kawl dêr dâl a, a pawih ka ti ngawt el. Hi hla hi ei dit bawk, hang khel ka nuomma khawm a sâwt ta a. Tulai hnâi ela suksuok, Pu Kaitinthang hlaphuokhai chuongna 'The Villagers Songs of the '80's' ti *Music Album*-ah a phuoktu laia pakhat Pu Edward T.C. Hrangate'n mâwi elkhênin a sak rék a. Lungril a sukthar a; a phuoktu laia pakhatin hi hla chungchâng a ziek en lovin, ka âwm thu suokin hang buon ka tum a. A hla châng po po hi hang vâihmât nuom a uma chuh, a châng hnina hin châng dang a mi'n kântir thei der dâl a. A sak lâr tu'n a phuokna châng hi ei bitum ding a nih.

Anachu, sai hla (love song) chungchâng hang khel rak hi inthlaurung a umma chin a um. Hla tha le mâwi, mi idit tâwp thei lo hai hi chu a narân naw khawp el a. A hung suok dân khawm, hmûr themthiemnaa inngat lova sângtiengin phusuok lo thei lova a hung mawr dawk a ni chawk a. Hla hi thlarau thil a ni a; Pathien inpâkna hla ni sien, ieng hla khawm hi, hla hring ei tihai hi chu a hung tur suoktu thlarau a um ngei hlak. Sai hla, mihai lungril them ngâwi thei hai lem hi chu a phênâ inthup a um nuom vieu a. Chuleiin, suongtuona amaniih, ringvâng thu el khawm hang hril hih nakie hin lei châwina te te dâm sâksuok ei tih ti inlaw a um a. Mihai lungril suktoi rawpwtu, 'Dite ka ngai em che' ti hla phuoktuhai lem hi chu nuhmei nau nei tahin sângkimin an la dam a. Vêng ding inzen a tam leiin ei hril hma rauh khawmin ei lo inthlaurung lâwk deuh chu a ni hi tie.

Amiruokchu, thuziek ni sien, hla ni sien, mi tiem le sak/ngaithlâk dinga ei pêk suok ta chun a tiemtu manih, a saktu amaniih, a ngaithlatu ta a nina chin a um ta a (A ziekto le phuoktu angin thuneina an nei ti zawng ni lovin). An nuom dâna chingletin, a thatna hrilin, a famkim nawna sawisêlin an hmu dân an hril ve a thieng a. A muolpho zâwng le mi sukhmingsiet tum rânâ ziek/thlir ruok chu a tha chuong kher nawh. 'Ziektu' ti hming input tlâk khawpin sülhngung la nei naw inla khawm, ziektohai zalênna chângchâwiin hai bi ei tum ve bawk a nih. Chubâkâh, hi hlaphuoktuhai hi patling t hieu an ni el khêlah, an kuthnung hin mi bâka pên hla an nih ti a suklang a. Ei hriiina tawngkam a mâwi am a mâwi naw, a'n thûk am a pâwnlâng, iengpo khawm lo hril inla an pâi dam thei vawng ka ring a. Inthlaurung khawm a nêp deuh. Iemani ti a an ngaimaw zâwng ka lo hril amaniih, mi lungril natna ding a lo um pal hlauih khawmin inhriethiema ti'ng ei t'a. A mau chu ka phur ding ni ma'ng a t'a; thuphachâwina ding a uma thingpui khâi a tûl khawmin ka mâk hai ka khâwm ma tûl a tih.

Thanghluie le, thanghluie chan chang mêk tahai hi an hlaphuok enin, tulai hlaphuoktuhai nêkin an lung a'n lêng lem a, an khawsâwt a na bik lem niin a'n lang. Tulai angin khawsâwt hnêmna ding le lungril la pêngtu ding hieng T.V. le thil dang neuh neuh hi la a um ve nawh a. 'Dite ka ngai em che' ti a phuok hun lai khawm hin biekhlatna ei tihai takngiel khawm la um lo a nih. Muolzapui kâr dana ngaizâwng neiha tak tak an sien thiam chi dang dang hieng-vân boruok thiem kûk kâra arasi de tuorhai le thlapa êng inno nghuol dâm, muol le tlang baw paw chuoitu süm le romei kâi chieit dâm, thiem le ruo hring dum dur le pâr mâwi chi tin vut chûk dâm, rengchal, uleu le hrâm thiem chi dang dang inkiu vawng vawng ri hai dâm le thil dang, an khawsâwtâna sukuoltu ding le an lunginlêngna keithotu ding a tam êm êm a. Tui ting khâwl sât the huk angin, an khawsâwtâna lo inup khâwl chu pâi zo lovin an bâu tiengin an hung bunsuok hlak a. Khawsâwtâna ruom inthûk taka inthawkin hla t ha le zûn nei an hung phusuok hlak a nih. 'Dite ka ngai em che' ti hla khawm hih, khâwma hla hang phuok ve rêng rêng ka tih tina ngîrhumna inthawka hung suok a hawih nawh a. Hmêl hmu phâk lo bak ti ták lovah, tulai anga hmangaina thu hang inhlân tawna ding khâwl thilhawtheina khawm la'n hmu phâk lo me; khou hmunkhata lêng khâwm lo, 'dite' ngai khawsâwtâ inrûmna ngîrhmunin phusuok lo thei lova a hung mawr suok a nih. A hun laia mi pathum thil tawng hla pakhata khum khâwmna a ni leiin a phênâ hin thu ngaiuumum inthup teuh a tih ti ringhla a um nawh.

Thu dang deuh la hang pakai zawk inla. Sai hla ei tihai hih, *love song* a ni leia ngaiêp thak lovin, kum hung upat leia a boruok hap ve ta lo leia en liem chuong baw lovin, nunghâk tlangvâl inhmangaina boruok le inngaina zûnah zu lilût nâwkin a hla tha le mâwina indiktak hre thei dingin hang tiemin/ngaiin, tiem/ngaii nawn nâwk hlak inla, a hla hi a mâwi ngawt el, an lo phuok thiem thlâwt a nih ti ding hla tamtak a um. A mâwina le lungril them ngâwi hlaktu khawm, hmangaina le lunginlêngna thu hai kâra thilsiem dang le leilung mâwina intem ding a um hi a nih. Hlaphuoktuhai khawsâwtâna chu leilung mâwinain a hung kei tho a, chu chun hmangai lungdi hai ngaina a hung siem a, an khawsâwt le lunginlêngna chu an ngaizâwng hai chungâ duthusâm puong suoknain an hmgang ta hlak a nih. 'Dite ka ngai em che' ti hla phuoktuhai khawm hin leilung mâwina a hranta takin an hril nawh. Anachu, *muolzapui, phai khawlai tuol, thla ang, kâwlvâ lêngsam, virthli lêng ti tawngkam hai hin thilsiem dang le leilung um dân a mi'n suongtuotir a, ngaituona a fang raih el.*

Khuol rama ngaizâwng nei amaniih, 'dite' hai leh um hmunkhat thei lo rinumna san tak chu khawsâwt le lunglêng a nih ti 'Dite ka ngai em che' ti hla hin a sukchieng êm êm a. A châng khatna le a châng thumna khawm, kârah dangtu muolzapui inkhang rui leia dite ngaiia khawsâwtâna thu le, *virthli* lênghai kuoma hmangaina an inthawn hiel thu ei hmuh. Amiruokchu, ei khel tum tak a châng hnina ruok hi chuh, ngaizâwng hai leh umna kâr inlah leia khawsâwtâna thu ni lovin, kârah hmêlma le dorâlpi amaniih, thil ienglei amaniiha

inthenain a hung mawr suok a hawih ka ti tlat chu tie. A châng danghai phuokna ding le a châng hnina phuokna dinga tur suoktu thilhai hih a kâr inkik hmêl rieu a. Hmun danga um an 'dite' hai ngai a ruolhai an inkiu vawng vawng laiin, a châng hnina phuoktu ruok hi chu 'tuorem lo di' ngaiin a kurinkuk ve thung niin a'n lang. Phuoktu danghai zâi hang zâwm hrâm hrâm a tûl bawk si leiin, a châng danghai leh inzûl thuoka hla thu a hang remkhâwm ni'ng a tih. A hla thlarhai ei hang bi chet chet chun, thurûk inthup a um am a ni aw ti dingin a um.

*Tuon sin dang sienkhawm,  
Ka lunglai singmit remtu,  
A engmawi a'n nui sieu thla,  
Ka hlmpui êm êm,  
Thla ang ka thlir liem el hlak;  
Lung ka ruolpui thei chang sien.*

'Tuonna tlang dang sienkhawm' hang ti lova, 'tuon sin dang sienkhawm' a ti hin inkawp/inngaizâwng ta lo anni thu hriina niin ka belh a. Ka ngaituona kaptu tak lem chu a tlar thumna hih a nih. 'Tu' ti hi bêngbereptu(suffix)-a ei hmgang phât chun tu'm maniih, ie'm maniih bik ei tina a ni deuh hlak a. A hmtieng le a hnungah hming amanih ei suklang naw khawmin tu'm a n'a, ie'm a n'a ei hril ti hriet thei dingin thu ei sep hlak. A châng chun 'tu'm' ti hi chiengtakin ei suklang bawk hlak. Entirna dingin, hi hlaphuoktu chu Pu Edward, hlasakthiem a nih, ei ti chun 'tu'm' ei hril ti chiengtakin a'n lang a, mi chungchuong a nih ti khawm hmu thei a nih. 'Ka lunglai singmit remtu' a ti zovah, 'A engmâwi a'n nui sieu thla' a ti hin thu a'n saisa nuoin ka hriet a. A tawngkam a'n dik nawh tina tieng ni lovin, entirnaa ei hril angin, 'tu' a tinu hlimthla bâkha, tu'm a n'a chu nu chu ti hih a phuoktu ta dinga chieng tak si, midang ta dinga zuk hriet el thei lo dingin thiem takin a hming a zep niin a'n lang. Ei hril umzie chuh, a *lunglai singmit* remtu innui sieu thla chu a engmâwi ni lovin, a lunglai *singmit remtu* 'Engmâwi' innui sieu thla a hlmpui êm êm thu a hriina niin ka hmu ve tlat a nih.

'Ka lunglai singmit remtu' ti zova hin, a lunglai hluozotu; thlirma tinrênga a thlir khawma a duthusâm kimna, a lunglai mit fûkna tu'm a nih hming a hril tum a hawih a. Chu nu hming chu mihai hang hriet hlak thei lo dingin, hla thu danghai leh hang hmetrem thei ding siin, inthup tak siin a dawta tlara hin a sie lui niin a'n lang. Sai hlaa hin, 'meng mâwi', 'nui mâwi', 'hmêl mâwi' tihai hih nunghâk amaniih, ngaizâwng hai hril mâwinain an hmgang hlak a. Hi hla châng tlar thumnaa 'engmâwi' a hmangna hi inrem âwm takin a'n langa chu a'n lam zat nawh. Sai hlaa nunghâk amaniih, ngaizâwng hai a 'engmâwi', a 'varmâwi' hang ti chu a'n hme naw hle. 'A meng mâwi a'n nui sieu thla' ti nisien chuh, a dawta thlar hai an khawmin a'n lam zat el. Chu chu a phuoktu khawmin a hrietsain 'engmâwi' ti hi a hmang lui ni'ng a ti? Zoram khawvêl dengsuok thei hiel khawpa hla phuok thei chun, a san bo chun 'engmâwi' ti hi rem le rem lovin zep lût hrâm hrâm naw niuh.

Tienlai deuha sai hla phuoktuhai kha, an hla phuokah a rûka hming thup an ching khawp el a. Iengtin tin amani mi hming an zep a. A hre sa rêng hai naw chun hang man daw el thei lo dingin thiem takin an thup hlak. Hi hla châng tlar thumnaa 'engmâwi' ti hi mi hming annawleh, mihiem hming aiawa a sie ni dingin zêldin thei a nih. Hi hla zieka hai chun, 'engmawi' ti hih thumal pakhata sie vawng a ni bawk leiin zêldin thu el kham ni sien a lo indik nulh el thei a nih. Cho ruollo iemanih leiin inthena tlung sienkhawm, a *lunglai singmit remtu* tu amaniih(Engmawi ?) chu a mithlaa a la châm zing a. An hlimlaini dâwn kîrin, hlim sieua a'n lui lai dâm chu ngaituoin a hlmpui êm êm a. Anachu, chuong hlimnahai chu tak chang theilo thil a ni ta a. Thla var sùng tâwite'n a mi suklâwm a, ei thlâkhlâ lai zinga a(thla) mi'n her liemsan nâwk hlak angin, a hlmpui êm êm thil khawm chun sâwt châmpui lovin *thla ang* a thlir liem nâwk hlak. Thei ni sien, a 'dite' leh lungruolna tlangah hang inpawm vawng vawng a nuom a. Chuonga lêng kawp thei ta lova an um chu a'n(Engmawi ?) ro lutin, 'lung ka ruolpui thei chang sien' tiin a la hang hnawzui lawm lawm a nih.

'Thla ang' ti hi mi thenkhatin 'tlang' ti niin ei ngai a. 'Phâi khawlai tuol'-a inthawk thlir chun ei hmaah tlang a'n tung ruo laia hang thlir liem dân ding chu a um naw hrim hrim a. Chuleiin, a phuoktu hin 'tlang' ni lovin 'thla ang' a thlir liem lem a nih. Thlapa hi, hla thu a ni phât chun 'sawrthlapui/sawrthla' tiin ei hmgang hlak a. A sâm khawm ei sâm puok ngun vieu a; 'sawrthlapui' bo chun ei lung a'n lêng zo tak tak naw'm a ni aw ti dingin thla var chungchâng hi ei hlahaia hmu ding a tam a. Anachu, 'thla ang' ti a tekhinna tawngkauthlieka hmang hi Pu Edward naw midang chu an vâng khawp el. Hla t awngkam mâwitak hang phusuok thei dingin 'Engmawi' zûn phur a na bawka nih ei. Ka ngaiel am a ni ding, hi hla a hang sak khawm hin, 'engmawi' ti thumal bik hi chu a lam inno am ei ti ding, a lam chieng bik kâwkin ka hriet.

Thanghluie le thanghluie deuhhai khawsâwt a nâ ei ti ang bawkin, an ngaizâwng hai khawm khawvêla hmêl tha tak le ditum tak anga hrilin an sie insâng thiem êm êm a. Ngaizâwng dang an nei san khawmin inngaitlâwm le thuhnôirawl takin, an tieng an hung ngha kir nâwk theina dingin a lungsietum zâwng takin an ngaizâwng hai an hnawtzui tawt tawt hlak. An inthe annawleh innei thei lo ngîrhmunan an um khawmin 'ka dit ta naw che' tia tawngkam na tak taka tawng zui el lovin, thlâkhlâ zing siin ditsakna tinrêng inhlânin mâwi takin an inthla liem hlak. An ngaizâwng hai chungâ hin tawngbâu an ret nawh a; hla thu thlum, ngainobei le inno elkhên hmangin hmangaina thu an inzâwt hlak. Pu Edward-in, *kawpteia lêng hmun thei* an' naw ták hnung khawm a, 'ka lunglai singmit remtu', 'lung ka ruolpui thei chang sien' a la hang ti tawt tawt khawm hi in thiem naw ding a um nawh. Thêna nisa suokin sângtieng a'n rûmtir lai zing a, a phuoktu dang a ruolhai anga umma hmun inang naw leia khawsâwt ni âwm taka hla thu a hang chuktuô vêl hi a thiem thlâwt a. Themthiemna chi khat chu a ni ve el naw'm a nih. 09.01.17

## Kum 14 mi in drone a dingin MoU Rs. 5 crore a sign



G A N D H I N A G A R : Gandhinagar a Vibrant Gujarat Global Summit 2017 hmangna ah class X inchuklai le kum 14 mi Harshwardhan Zala le Gujarat sawrkarin drone a dingin Rs. 5 crore manhu MoU an signed. Deal chu Harshwardhan Zala le Department of Science and Technology, Government of Gujarat haiin a ziek niin, drone siem suok chu indona hmuna bomb changkam hai hmusuoka sût theitu ding a nih.

vel an seng pek a, prototype a pathumna siemna dingin state sawrkarin Rs. 3 lakh a tum pek a nih.

Zala in drone a siem suok chun bomb khawm 50 gm a rik a phur sa a, chu bomb chun landmine hai a suksiet thei ding a nih. A thil siem chu Army agency haiin la a an ensin hun ding a ngakhla thu Zala chun a hril.

Zala a pa chu plastic company a accountant sinthaw niin, a nu chu insung enkawltu ani a. US a Google, Inc. Headquarters a sir tumin, Zala chu a thil siem tuma chun thafanna a pek tha a, Google a sinthawtu haiin an thil siem dan hai an hriina a inthawk idea a nei pha bawk a nih. Drone siem tanna ding idea a neina ani leiin, US anzinna a sengso hai chu a thil siem suok inchawkna ani thu Zala chun a hril a. LD College of Engineering sengso tumtu haiin investment an thawna ani thu a hril a, a chanchin chu inrang taka hril a nuom thu hrilin, a company chu Apple Inc. le Google, Inc. hai neka suklien lem a tum thu Zala chun a hril.

## Nagaland civic polls a dingin 535 fethleng

DIMPUR: Nagaland civil polls election neina ding le inzawmin mi 549 in nomination an file a, state election commission in scrutiny an thaw hnungin, mi 535 hai nomination chu pawm pek an nih. Civil polls election neina ding hai laia Kohima, Mokochung, Tuensang, Mon, Medziphema le Changtongya hai chu Naga hnam inzwamkhawm pawl haiin nomination file an khap leiin, zani chena kham nomination file an um hri naw a nih.

chun a hril a. Town 26 le municipal councils a election neina dinga chun nuhmei candidate 188 an um a nih.

Civil polls a dinga nomination file-na chu January 3 a inthawk 7 chena dinga ti nisien khawm, Naga hnam inzwamkhawm haiin buoina tum tum an siem leiin, January 9 chena dinga keisei nawk ani a, municipal le town 6 haia dinga nomination file chu an um chuong naw a nih. Angami Public Organisation chun Angami hai chengna huom sunga Angami hnama mi nomination file-tu hai chu kum 10 sung ensan an ni ding thu January 4 kham thusuok an siem a nih.

## Infosys Deputy COO thar dingin Ravikumar

BENGALURU: Infosys company chun Deputy Chief Operating Officer thar dingin Ravikumar S a ruot thar a, Deputy COO chu Chief Operating Officer Pravin Rao kuoma in report ding niin, a sin chu a zawm tan nghal a nih. Ravikumar chun a sin chel lai global delivery organization a head leh Deputy COO sin chu chel kawp a ta, India based a sinthaw

ding a nih.

Infosys chu headquarter Bangalore a nei niin, company sinthawna chu a hlak hle a hril a nih. Tuta financial year fe meka hin revenue 8.4% a inthawk 8.8% hmusuok an inring a nih. Kum bula an in beiseina 8% a inthawk 9% chen hmu phak naw ding angin inlang sien khawm, kum dang le tekhi chun an hmusuok rawn hle a nih.

## Pensioner hlaw tlawm tak 9,000 ding

NEW DELHI: Central sawrkar thawktu pensioner hai hlaw le ex-gratia suk-pung ani thu a hril a, central thawktu pensioner chu 50-60 lakh an um thu le 88% hai account chu Aadhar le thlungzawm ani ta thu a hril.

ex-gratia chu 10 -15 lakh a inthawk 25-35 lakh a suk-pung ani thu a hril a, central thawktu pensioner chu 50-60 lakh an um thu le 88% hai account chu Aadhar le thlungzawm ani ta thu a hril.

Dr. Jitendra Singh, Minister of State in Prime Minister's Office in zanita Standing Committee of Voluntary Agencies in meeting an nei huna thu a hriina a chun, central sawrkar thawktu hai

Dr. Singh chun central sawrkar thawktu pensioner hai chun a hrietna le experience hai hmang tangkai dingin mitin a fiel a, institution le thil dang dang thawna ah sawr tangkai dingin a fiel bawk.

## Meikhu le tieusum in vuongna sukbuoi

CHENNAI: Bhogi hmangna a lekha thalo an rawna meikhu le tieusum tam leiin Chennai ah vuongna 19 lai zet chu vuong suok thei lovin an um pha. Bhogi chu Pongal urlawka a an thaw hlak niin, lekha thalo le hmuhnawak an raw hmang a, a zinga thil hlui hai bovin Pongal chu tharlam taka an hmang hlak a nih.

Meikhu tam leiin International Flights 7 le Chennai airport a inthawka vuong suok ding vuongna tam tak hai chu dardar 2 neka sawt an delay pha a, domestic circuits vuongna 5 hai khawm a sukbuoi pha hle. Chennai airport-ah a tum theinaw lei-in, Dubai a inthawka hung international flight pakhat Kochi a intumtir pha a nih.

CHANCHIN  
LAKTAWI

Union Minister  
ICU-ah sie

PATNA: Intuok harsa a ti leiin Lok Janshakti Party (LJP) President le Union Minister of Food and Consumer Affairs Ramvilas Paswan chu Jan. 12, 2017 zan dar 8:30 vel khan Paras Hospital panpui le Intensive Care Unit (ICU) a sie le enkawl a nih tiin Officer on Special Duty to the Minister R.C. Meena chun a hril. Ramvilas Paswan hi Patna, Khagaria Begusarai le Mokama haia programme a nei leia Bihar-ah inzin a nih.

BJP Councillors  
120 man an nih

NEW DELHI: Zanikhan Delhi Chief Minister Mr Arvind Kejriwal chengna in tuola protest nei BJP Councillors 120 chuong hai chu Delhi Police han an man. BJP Councillors hai hin an hlaw pe dinga nuoma nei mek Sanitation workers hai chu an hlaw ding fund pe dawk dinga ngenna Kejriwal chengna in tuola sit in protest an va nei a nih.

Navjot Singh Congress  
ticket in a ngr el thei

CHANDIGARH: Cricketer hlui le politician hung nitah Navjot Singh Sidhu chu February 4, 2017 nia Punjab Assembly election hung um dinga hin Congress ticket in a ngr el thei a hril a nih. Hi le inzawm hin Mr Sidhu hin Congress a zawm vat ta ding nia hrilrik a ni baw. A nuhmei Kaur chun tuta hma khan Congress a lo zawm ta a nih. Mr Sidhu hi Rajya Sabha member a ninaa inthawka lo inban tah a nih.

Pakistan-in India mi  
inhlan sawng

JAMMU: Jammu and Kashmir ah zanikhan Pakistan Army haiin Indian Army hai kutah India mi pakhat inhlan a nei. Army hai kuta an inhlan chu Javed Iqbal niin, Poonch district Line of Control (LoC) ah ramri kana Pakistan lut a nih. Iqbal chu Bagla, Rajouri district mi ani a, May 3, 2016 a kha ramri kana Pakistan lut tah niin, Indian Army haiin an nawr rawp hlak leia Pakistan Army haiin an peksuok niin ei thu lakna chun a hril.

IMPHAL/STATE NEWS

Computer Set 3 inruk hmang a nih

THOUBAL: January 10&11, 2017 inkar zan khan rukru han Thoubal District a Wangjing High School an rawk a, Computer set 3 an inruk hmang. Computer si-ena pindan bang hnuoi an verkuo a, chu taka inthawka Computer set 3 hi rukru han an inruk hmang a nih. Hi thil lung le inzawm hin Thoubal Police station-ah case registered a nih.

Silaia sumdawng man a nih

IMPHAL: Bishnupur Police han January 11, 2017 khan Moirang Lamkhai area sungah dappui an thaw a, silaia sumdawng Md. Abdul Hussein (38), s/o Md. Ibocha of Kwakta Terakhongsanbi chu 9mm Pistol pakhat leh an man. Manipur a helpawl group tum tum hai leh inzawmna neiin silai a supply hlak niin Md. Abdul Hussein hi Police kuomah an puong niin Jogeshchandra Haobijam, SP, Bishnupur District chun a hril.


Pinaka hlawtling taka ensin



BHUBANESWAR: Pinaka Rocket a inthawka siem Guided Pinaka chu Integrated Test Range, Chandipur, Odisha-ah zanikhan hlawtling taka ensinna nei a nih. Pinaka Mark-I sukhmasawna a Pinaka Rocket Mark-II chu siem ani a, navigation, guidance le control kit thanga siem niin, Guided Pinaka a inthlang danglamtir a nih. Guided Pinaka range chu a kaptu in a tum thel lo dinga indik taka siem niin Indian Army official thsuok chun a hril a, kap sinna

SP faction 2-in EC inhmupui

NEW DELHI: Uttar Pradesh a Assembly election nei dinga Samajwadi party a faction pahni haiin party symbol thua buoina an nei le inzawm, zanikhan Party patriarch Mulayam Singh Yadav le ama thlawptu Shivpal Singh Yadav le Ramgopal Yadav hai le Chief Minister Akhilesh Yadav a pawla mi Naresh Agrawal haiin Election Commission inhmupui a nei. Election commission-in party symbol chungthua hearing nei dinga a ti dungzuia fekhawm an ni a, anni ruolin an legal counsels hai an thang baw. Akhilesh Yadav a tieng Senior lawyer Kapil Sibal a thang a, advocate Mohan Parasaran le mi thenkhat Mulayam Singh Yadav a tieng an thang thung. Party symbol changtu ding chungthua thutlukna chu first phase election a dinga nomination tan hun, January 17 pha a suklang dingin Commission in thutlukna a siem niin AIR report chun a tarlang.



DAMASCUS: Syria capital Damascus mipui tamna le high security zone lai zanikhan suicide bomber pakhatin bomb a sukpuok a, mi 8 in an hringna an chan. Bomb chu Kafarsuseh hmuna sawrkar enkawl sport club bul laia puok ani a, club bul takah suicide bomber-in bomb sukpuokna kawngren a hlip chara puok niin TV SANA report chun a tarlang. Damascus khawhnawm Mezzeh mili-

Damascus-ah suicide bomb leia mi 8 thi

tary airport lai khawm bomb a puok thu TV SANA chun a hril a, bomb sukpuoktu chu Israel niin Syria sawrkar thsuok chun a hril. Syrian Army spokesperson chun, Israel in Syria a beina chu a thlawm el ani naw ding thu a hril a. Syria sawrkar in thunglet hun a nei ding thu le, a phuba lakna chu nakat ani ding thu a hril. Airport chu Northern Israel a inthawk missile hmanga kap niin Army spokesperson chun a hril baw.

Khadi Calendar-ah PM Narendra Modi in Gandhi lim a thlak

NEW DELHI: Khadi Village Industries Commission (KVIC) diaries le calendar a Mahatma Gandhi in Ashoka Chakra a hervir lai lim um hlak chu, 2017 kum a dinga a suok thar-ah Gandhi lim ai chun Prime Minister in Ashoka Chakra a hervir lai lim sie ani a, mi tam tak abikin congress le opposition party dang dang hai sawisel a hlaw nasa hle. Sawrkar ruok chun, insawiselna umzie bo nia hrilin, PM Modi in Gandhi lim a thlak thlenga intumna chu a hnaw thung.

Sawrkar chun, 1996, 2002, 2005, 2011, 2013 le 2016 a hai khawm KVIC calendar le diaries ah Gandhi lim a um naw thu a hril a, calendar ah Gandhi lim chau a chuong thei dinga dan siem a um naw thu a hril. PM Modi chu thalai hai icon ani thu hrilin, Khadi products hai sukhmasawna ding le suklama dinga a lim sie niin



Arvind Kejriwal le a Bengal counterpart Mamata Banerjee, Congress leader Rahul Gandhi le opposition thuoitu hran hran haiin an sawiselna le an ditnaw thu an puong a, Mahatma Gandhi tupa Tushar Gandhi khawmin a tuornat thu hrilin, "Bapu Charkha chu mirethei haiin pawisa an lamsuok theina dinga sie ani a, tu ruok hin chu milim pholangna in anchang an tah" tiin a hril.

Nunghak kum 22 phing sung-ah rulrukut 150 at dawk

LUCKNOW: Uttar Pradesh a nunghak kum 22 mi Neha Begum chu a phing a na leiin hospital a fepui ani a, doctor haiin enfelna an nei chun a phing sungah rulrukut tam tak a um an hmu a, operation thaw niin, rulrukut 150 zet at dawk ani a, rulrukut hai sei dan chu pakhat 10 inch. pei a nih. Begum chu hun iemani chena inthawk khan a phing a sawisel tah a, phingna mei mei sawnin a uksak raknaw nia hril a nih. Hospital a doctor haiin operation an

thaw chu harsa an ti hle a, darkar 4 sung zet operation thawna in an hmang a, doctor 4 operation thawtu haiin rulrukut 150 zet chu pakhat khatin an keidawk pei a nih. Begum chu a phing nat tan laiin doctor chu a rawn ve hlak a, doctor-in natsawka pe in anlawi tir nawk el hlak a. Doctor-in natsawka a pek khawm chun a sawk zo naw thu hrilin, zan-ah a phing na taka na-in a luok hai a suksook hlak thu Begum chun a hril. Doctor haiin a phing

UP-ah 32.26 lakh electoral roll a inthawk pei

LUCKNOW: Uttar Pradesh a Assembly Election um ding le inzawm, election officials haiin electoral roll uluk taka ennawna an nei a, UP state a electoral roll a 32.26 lakh voters hai chu an hmung pei pek a nih a. Tuhin UP ah voters tam

dan chu 14.12 crore niin, voters hai chu kum 18-19 inkara mi 24.53 lakh an ni a, ennawna an nei hunah voters thar 20.57 lakh thunlut sa ani baw. Electoral roll a inthawka pei hai chu kum tlinglo le a mihiem um talo dam an nih a. Ennawna nei ani

Coal scam case final report pek

NEW DELHI: Coal scam case le inzawma congress thuoitu le industrialist Naveen Jindal, Minister of State for Coal hlui Dasari Narayan Rao le midang dang hai chungthu special court thupek anga CBI in investigation a thaw chu zanikhan final report peklut ani tah. Case suina fe mek le inzawma IO in a format anga report a pek naw leiin, Special Judge Bharat Parashar chun January 23 a report pelut nawk dingin a hril

a. CBI report a chun CFSL reports le witness hai list le an tawngbau an khum hai a thang sa a, court chun CBI hun a pek hmasak chena an peklut naw leiin, halna thu hrilin trial fe mek an sukbuoi tiin a lo vau tah a nih. CBI report dungzuin, Jharkhan Chief Minister hlui Madhu Koda khawm

Pitar kum 92 mi ran angin room chite sungah an kal khum

BEIJING: China rama pitar kum 92 mi zet nitah "Yang" ti chaw a hmung hril chu a naupa le a monu han ran ang elin room chite sungah zalna ding khum le puonlum khawm um lovin an kal khum. Hi thil hi mi pakhat Pretty Nan Gua in popular video service Miaopai hmanga January 6, 2017 nia a thedar a inthawka hrietsuoka hung um a ni a, an kal khumna room hi sq. metre 10 vel chawu lien niin a zalna ding khum khawm um lovin thingrem chungu puon boin a zal el hlak nia hril a nih.



A naupa le a monu hai hin fak ding khawm an pek tha mumal naw niin Mrs Yang hin a hril a, an vuokin nasa takin an hal hlak baw niin a hril. An khumna room hi kawtkar khawm um lo a nih. Hienganga video nasa taka thedar a ni hnung hin government officials hai chu a hmuna fe in

Facebook-in "Journalist Project" Siem

LOS ANGELES: Facebook Inc. chun khawv el news organization hai le inlaichinna siem that le suklien tumin "Journalist Project" a siem. Hi thil hi CNN reporter hlui, anchor le host Campbell Brown ruoin an news partnership lukhaitu dingin a ruoi ti a puonga inthawka kar khatna chara a tan a nih. Hi "Journalist Project" hi tu taka chanchin (story) a pek suok dan le hmangruo Live, 360 le Instant Articles sukhchangkana ding le chanchin tamlem awlsam lema a peksuok theina ding a nih. Facebook hril dan chun, reader haiin news organization an dit dithai

thehdarna dangna dingin Facebook-in hma a lak tawm nawh ti sawiselna a um leia a thaw a nih. Director of products, Fidji Simo chun, "Journalism tha tak le ring tlak tak, healthy news ecosystem siem hi kan ngai pawimaw em em a. Nasataka hma lain thang kan lak baw a nih" tiin a hril a. Regular video, miin an post le upload hai kara advertisement lo zep dan khawm an explore mek niin a hril baw. Facebook-in "Journalist Project" a siem chungchanga chanchin kimchang lem Fidji Simo thsuok tiem nuomhai chun (bit.ly/2j6ll9) ah a blog post hmu thei a nih.

VOCATIONAL TRAINING INSTITUTE (VTI)  
Development Department  
Reformed Presbyterian Church  
Muoihlum Rengkai Churachandpur  
Vocational Training Institute is inviting application for Weaving & Driving training for the year 2017. Willing candidate may collect Application form at the Training Institute during office hour on payment of Rs. 10/- only.  
Last date of form submission : 25th January, 2017  
Classes commences from : 1st February, 2017  
Sd/- Program Coordinator  
VTI Rengkai Churachandpur.

UP-ah Rs. 40 lakh, silai le campaign hmangruo man tah

VARANASI: Thla thara UP Assembly polls nei ding le inzawm, police le venghimna sin thawtu pawl hai chun theitawt suoin sin an thaw mek a, election ding le inzawma dan bawsietu um hai khawm mansuok tumin thang an lak zing baw. Zanikhan Varanasi hmum tum tumah motor hai sukchawla dapna nei ani a, Rs. 40 lakh sumfai, double barrel gun le election campaign thawna hmangruo iemanizat police han an man. Pawisa hi Car sunga man niin, a driver chu Mayank Srivastava ani a, private bank a Manager siin thaw niin an hril a, pawisa hai chu Bhadohi branch

a dinga a phur niin a hril. Srivastava chun pawisa hai chu Bank a dinga a phur ngei ti sukchiengtu lekha a nei naw leia man niin, a chungthu chu IT Department a khawm intlan a nih. Ramashankar Patel a car an dapna ah, police haiin double barrel gun le a mu iemanizat an man a, Patel chun Rohaniya Assembly seat ah JD (U) candidate ding nia inhril in, ama ruolin car sunga chun midang 2 an chuong sa baw. Silai le election campaign thawna hmangruo iemanizat an phur hai leh mi 3 chu man an ni a, model code of conduct bawsietna leiin case file khum an nih.

Obama-in Biden kuomah Presidential medal



WASHINGTON: Outgoing US President Barack Obama in Vice President Joe Biden chu civilian inzana (civilian honour) hai laia insang tak award anhan a, chu thil chun Joe Biden a sukbarakhai hle nia hril a nih. Biden chu mipui tadinga sin a thawna kawngah mi pangngai neka theina neitu ani zie le, mi pangngai neka career tha tak neitu a suklangna leia award chu inhlan niin, zanikhan, White House-ah the Presidential Medal of Freedom chu Biden in a dawng sawng a nih. Obama chun, Biden chu America in ringna an nght ngamna ani leia inzana pek

ani thu a hril a, ram a hman-gaina le a hringnuwa ram tadinga thiltha a thaw hai chu thang la hung thar pei chena hriet le hril rawp a la ni ding thu a hril. Obama chun 2008 khan campaign an nei laia a khingpui thlawptu Biden hi Vice president dinga a ruot a nih. Vice President dinga ruota a umna a pawm hma in, Biden chu kum 30 vel Senate a lo um tah niin, portfolio insangtak tak chela sin tha taka lo thaw ta hlak le, Senate Foreign Relations Committee le Senate Judiciary Committee ah chairman khawm lo ni ta hlak ani baw.

Trump Press Conf Hmasatak Sosang

WASHINGTON: US President thlang-thar Donald Trump chun a tling hnunga Press Conference hmasatak chu zani khan a nei a. Russia-in "hacking" a thaw ti thu US intelligence report chu "fake" (siemfawm) tiin hmaimawkna nasatak le pawm thlak lo (disgraceful) a ni thu a hril a. Hiengana intelligence thu indiklo thedar le suksuok hi chu Nazi Germany thaw ding awm chaw a nih tiin a hril.



Russia, China le midang dangin US chu an "hacked" zing a nih tiin a hril baw. US Intelligence thsuok anga media outlet thenkhatin an phawrlang, belchieng dawlo a ni thu a hril a. Democratic National Committee hai website chu an hacked ngei a, an invengna a chaw lei a nih tiin a hril baw. Ama le Russia inzawmna an nei tia intelligence report "dossier" khawm "fake news" le "phoney stuff" a ti baw. Ama sukse tumhai thu phieruk a nih a, intelligence dept thenkhat le media thenkhat inthurolo an thaw niin CNN chu a bul tumtuah an tum

bawk leiin CNN palai zawna khawm a dawn nuom nawh a. "You are bad organization" tiin an insel nasa hman hle. Trump press conference thiltum tak chu President sin le a sumdawngna inthawkpawl a nuom naw leia "conflict of interest" a um nawna dinga a organization ropuitak Trump Organization enkawlna a nauhai pahni Eric le Donald Trump Jr hai kuta a peksuok thu a nih. Russia leh inzawmna an nei nawzie chu \$2 billion manhu sumdawngna khawm a lak nuom naw niin a hril baw. Russia President-in a tan anga an hrilna thudik a ni le ni naw zawna chu, "Putin-in a mi ngaina chun ei ta dinga

conference hmasataka hin Journalist 250 vel an thang a, Manhattan office inleng lo le lut phal lo tamtak tuol ah an um baw a. Hi taka thanghai chu Jan. 20 lawmlut a ni huna khawm fiel an ni seng ding thu a hril baw a. New York Times-in sin a thaw that leia a lawmthu a hril laiin CNN ruok chu "bad organization" tiin a bieku nuom nawh.

A President nina le a sumdawngna (business) an kal nawna dingin a Company lekha pawimaw po po, management power a hlipna document/file tamtak reporter hai hmaah a suklang baw a. Legal them a aia enkawltu ding a ruothai a puonglang baw a. Company neitu nina an hlipnawa chu enkawltu mawphawa nauhai a pek suok a nih. A business le President a chel kawp thei ding laiin President a ni sung hin "office of profit" pakhat khawm chel a tum nawh a. President hlaw khawm la lovin a company profits hai khawm sawrkar treasury ah a peklut pei ding thu a hril baw.

### Bruce Springsteen Archives Siem Ding



**NEW JERSEY:** American rock star Bruce Springsteen chu music le hla tienga a thaw hlawnahai hrietzingna dingin a seilienna state-a Monmouth University chun a campus ah Bruce Springsteen Archives and Center hawang an tum. Hi Archives-a hin Grammy Award winner Springsteen thumhnaw chi hran, hlaziek, silfen le a kuthnung thil collection hai sie ning a tih.

Hi Archives hi Bruce a seilienna le inchuk tana Asbury Park a inthawka mel khat vel chauh West Long Branch ah ning a ta. "Born to Run" singer pa hla record hran hran, posters, articles le artefacts hai mipui hmu thei dinga siethat le pholangan, Bruce Springsteen legacy promote le preserve-in American music ta dinga a contribution hai suklang ning a tih" tiin University thupesawngtu chun a hril.

Hi Center-a hin American musician dang Woody Guthrie, Frank

Sinatra le Robert Johnson hai sinthawna le music hai khawm siethat le pholang ni bawka a tih. Thupesawngtu Tara Peters hril dan chun 2011 a inthawka Monmouth University-in a lo inkhawt tah thil hluihai sie khawm ning an ta, thil thar hung pekhai khawm sie lut pei an nih ding a nih.

Kum 67-a upa Bruce Springsteen hi Jersey Shore club ah music play tannin international level chen an lar a, New Jersey hi a seilienna khuo a nih. Kum 2012-a Hurricane Sandy-in New Jersey a mut siet khawm khan hi state mi bawka Jon Bon Jovi leh harsatna tuorhai thanguina dingin concert hlawtling takin an lo nei tah a nih.

Hi Archives lut theina dingin Monmouth University phalna lak a ngai ding a nih. Monmouth University hi Los Angeles-a Grammy Museum-a affiliated University pakuo hai laia pakhat a nih.

### Young Achiever's Award inhlán



**IMPHAL:** Maniur a Independent filmmaker Sonia Nephraji chu Jan. 12, 2017 zantieng khan Redisson Blu Hotel, Guwahati-ah

Dalmia Bharat Group in Young Achiever's Award an hlan. Dalmia Bharat Group hi kum 1939 daia indin ta le Cement Company hlawtling takel a nih.

### Sports:

## COPA DEL REY ROUND OF 16 2<sup>nd</sup> LEG RESULTS

### Real Madrid chun Record thar siemin Match 40 a zawnin hratanaw an nei thak nawh

Copa Del Rey 2016 Round of 16 2<sup>nd</sup> Match chu Ningani zan khan inkhel a nih a, tulai khawvel pumpuia Football Club laia tha tak anga ngai le Club World Cup Champion ni lai mek Real Madrid chun 1<sup>st</sup> Leg-a 3-0 a an lo hnesa Sevilla hai chu Ramon Sanchez Pizjuan Stadium-ah an inkhelpei a. Hi Game-a hin Real Madrid Coach Zidane chun C Ronaldo le Luka Modric hai an chawltir a, goal thum nei sa tho an ni lein a ngai a muong ni ngei a tih.

Muolneitu Sevilla tieng chun Steven Jovetic, Vicente Borra le Real Madrid Player Danilo Own goal (anni goala thun) hai goal thun chu Sevilla ta dingin a hun tawk nawh. Hun hmasa tieng Danilo chun an goal tieng a thun pal lein Sevilla chun 1-0 in hma an thuoai a.

half chenh goal dang a lut sa nawh. Second half intan hlum minute 48 naah marco Asensio chun ama khalsuok lieu lieuin goal mawi tak a hung thun a, an siphur an sut ta a nih.

Chu zo sawnawteah Sevilla tieng chun Steven Jovetic hmangan goal pakhat an thun nawk a, minute 77-ah Vicente Borra chun Sevilla ta ding bawkin goal a thun nawk lein 3-1 in an hrat sawng ta dim a nih ti hnungin Real Madrid chun Penalty an hmu a, an defender Sergio Ramos hung pensuok-in Penalty chu chieng deun a thun a. Chu zovah substitute Karim Benzema chun hun tawp ding tawm char minute 90 naah an inangna ding goal a hung thun ta a nih. Hi dungzui hin Barcelona hai record game 39 a zawna hrat

### Leah Remini le Scientology Buoina Sosang

**LOS ANGELES:** Milar tamtakin ringna le sakuona tienga an inngatna pawl pakhat Church of Scientology le Leah Remini kar thubuo chun that tieng nekni zuol tieng a pan pei ding a hawi. King of Queens changtu le documentary series "Leah Remini: Scientology and the Aftermath" TV live show host Leah hin Scientology hi a sung tieng indiknaw taka pawisa suma inhnel niin a hril.

Church of Scientology hi non-profit anga registered a ni lein tax chaw lo a ni a. Tax exempted a nina hi remchanga hmangan milar le mi dang dang ringna neia beltuhai pawisa lakpekna ding chawu kohran anga rawngbawl niin a hril a. IRS-in tha taka suin tax exempted a nina hi hlip pek sien thil tha ning a tih tiin a hril bawka.

Hi thil hin Church of Scientology chu a sulkungsen em em a. Attorney Monique Yingling chun, "IRS-in tax exempted a nina status an hnukkirna



ding san iengkawm a um nawh a. Leah hin pawisa hmuna dingin Scientology Kohran hih a hmang lem a nih. A TV show le program hai ah pawisa pek a ni bakah tuhni \$500,000 a ngan a, chu hnungah \$1 million a hung ti nawk a. Kohranin a thawpek el naw lein hrilsieta ding a zawng a nih" tiin a hril.

Leah chun, "Scientology hi sakuona rawng hmanga a sung taka sumdawngna a nih. Hektu ding mi huosen deuh an la um naw lei mei mei a nih" tiin a hril vet hung a. Hi kawnga hin hmatalu ding an um chun ama khawma thlawp a nuom ve thu a hril bawka. Church of Scientology hi kha hma

khawm khan Tom Cruise le mi dang dangin sawiselin an lo suoksan ta bawka.

Hienglai zing hin a kohran thupesawngtu chun, "Leah le a ruolpa Mike Render hi Church of Scientology le inzawma an program hai ah pawisa pek vavng an nih a. Thu chieng lem hrie nuomhai chun kan website <http://www.scientology.org> ah iengkim hriet thei a nih" tiin hrilfienna a nih. Scientology hi Eastern philosophy le Western philosophy sukkawpa, thlarau tieng malsawmna hmuna dinga Science hmanga thil thawna a nih a. Ringna ni lova thilthawna himma le lawmna hmu tumna a nih.

### Tom Hiddleston Ngaidam An Hni

**LOS ANGELES:** UNICEF UK Ambassador le 74<sup>th</sup> Golden Globe Award 2017 Motion Picture for T-a Best Actor latu Tom Hiddleston chun lawmman a dawng laia a thuhril lein MSF (Medicine Sans Frontier) le UN aid workers hran hranhai kuomah ngaidam an hni. Tom hin, a TV film "The Night Manager" en lein aid worker hai chun buoina hmun (conflict zone) ah sinthaw dan ding tha an hmu bakah an hadam pha niin a hril a. Midumhai chun "mingohai inpakna" tiin an dem hle a nih.

Kum 35 Tom Hiddleston chun, "Ka nervous lein Golden Globe award inhlán zana ka tawngbau kha chu ka hril suol hle a nih" tiin an lungriil a sukna aid worker hai kuomah ngaidam kan hni a. "Mihai thanguina ding le lungmuongna chite lo pe ve



thei dinga ka um chu ka uong hle a nih" tiin ram buoi kara aid worker han a film an lo en leia an lo hadam pha sin tha taka an thaw thei pha nia an hril a lawmzie thu a hrilna a nih.

Ama hril dan chun, UNICEF UK Ambassador a nina le inzawmin South Sudan a va sir tumin, MSF le UN aid workerhai an hmpuui a, anni chun ram buoi leia sin thaw thei lova kil khata an intawm el laiin a film "The Night Manager" an en hlaka,

an tangkaipui hle niin a hril a. Hi thu hi midum aid worker han an theida em em a nih.

"Ka thiltum tak chuh, ram buoi kara huosen taka mihai thanguina dinga MSF, UNICEF le World Food Program han sin an thawna inpak a nih a. Nuhmei le pasal inrim taka thawtu hai huosenna chibai buk tum chau ka nih" tiin a Facebook account-ah a ziek. UNICEF website hril dan chun, Tom hi 2015 a inthawka UNICEF Ambassador a nih a, tulai hnai khaan South Sudan fein buoina leia naupanghai harsatna tuorhai a zu ena, aid worker hai an pawlpui bawka, tiin a hril.

### Robbie Williams Concert Ticket Re-Sale

**LONDON:** British hlasakthiem Robbie Williams-in 2017 tour a neina dinga concert ticket chu Robbie Williams management team haiin man to lemin an zawr sawng (re-sale) niin Victoria Derbyshire program chun a hril. Robbie Williams concert ticket zawrtu Ticketmaster hai ticket zawrna website "Get Me in" le "Seatwave" a nekni £65 a tam dama zawr sawng an nih tiin a hril.

Williams a management team ie:music chun "platinum" ticket pakhat peia £95 (Rs.8000 vel) kha £160 (Rs.13,760 vel) dingin an website ah an zawr nia hrilin, hi thil hin ticket re-sale dan a bawsiet lein sawrkâr thuneitu han an rang thei anga bawzui dingin an hril niin a hril bawka. ie:music tienga inthawk ruok chun comment a la um nawh.

Ticketmaster hril dan chun, event organizers hai le inrawn peiin mipui ditdan le ngaidan lain ticket rate hai siem an nih a. June 2, 2017-a Etihad Stadium, Manchester-a a concert-nag ding ah Level One, block 126 chu fee lak hmam "plat-



inum seats" Pound 95 a nih a. Amiruokchu, Get Me In website ah hi Level the block 125-a mi chu £160 (£65) a tamlema zawr a nih tiin a hril.

Ticketmaster hril dan chun, "Platinum ticket hi tlawnte chau siem a nih hlak a. Event organiser hai le a dithai indawrin, ticket zawr sawngna man chu ticket retaila zawrtu ni lovin concert neitu kuomah a lut theina dinga buotsai hlak a nih" tiin a hril. Hienga rate an suksangna san ni dinga ring chu, hieng Platinum ticket hlawkhai chu artist management team hai kutah direct-a lut a ni lei niin a hril bawka.

A tlanguin artist han concert le tour an nei hin event organiser hai hi an hlawk thei lem em em hlak

a, artist management team han ticket mana inthawkin hmu an nei meuh ngai naw niin an hril. Hieng vel lei hin 2015 khawm khan William le a team hai chun thusuok siemin event organizers han ticket zawr dan an manipulate taluo suktlawm dingin thuneituhai kuomah an lo ngan ta bawka a nih.

Artist hai hmakhuo ngai-na leia management team-in an thaw a ni lai zing ticket zawrtuhai chun an theida hle hlak. UK Live Event industry chun artist hai a dawng taluo nawna dingin hieng ang hin ticket re-sale system hi hlawtling takin an lo hmang rawp ta hlak niin an hril bawka a. Ram thenkhatu ruok chu corruption suktatum niin an hril.

Italy a lem chu concert ticket dan naw anga lo zawr sawng nawkna hi a hlur taluo a, a thawtu hai sawl lovin an hlawk bk taluo lein sawrkârin re-selling a khap hlawl a nih. Chun, hienga website-a ticket zawr hi software hran hran hmangan mi dangin an lo zawr sawng nawka, chunga a hlawk hmutuhai chu sin iengkawm thaw thak lova internet-a inthawka hlawkna lo inteltu an nih hlak.

### Nagaland-ah Miss India orientation nei

**DIMAPUR:** Miss India Organization le Beauty and Aesthetics Society of Nagaland hai thanguoin, a wawikhatna dingin Nagaland-ah Naga Beauty Pageant Winners le Miss India contestant ding hai orientation an nei. Orientation class chu nuhmei hai le BASN hai Miss India inthlangna a system thar um le, Naga nungkhakhi chu National Level Pageant dinga chona an nei theina dinga briefing thawna a hmang a nih.



dia Organisation chun system thar hmang tan a ta, Mumbai a Miss India Final-ah state tina inthawk automatic in an state haia inthawk an lut ta ding a nih.

MIO in state tina thlang suok hai chu audition nei an ta, chutaka an thlang suok hai chu East Region a dingin Kolkata-ah final Crowning nei an tih. State tina winners hai chu Final a in contest tang an ta, India a state hran hran hai chu sawiselbo in contestant haiin an represent thei ta ding a nih.

Nagaland chu MIO in chuang ang orientation a buotsai hmasatakna le a la thawna umsun a nih.

Miss India Organization hnuoia Talent Scout India a lutak Bennett Nathan thuoia a orientation chu nei niin, programme chu Times of India palai khawm in a uop ve a. Miss Nagaland ni lai mek Vilo-kali Zhimomi le nunghak hmeltba hmabaka beiseina thatak tak neitu hai class a chun an thang tawl.

Orientation neina a thupui inlar zuol deu deu hai chu Orientation on Miss India Pageant, Golden Rules to prepare for the Pageant le Brief on the Miss India North East ti hai an nih. 2017 a intanin, Miss In-



Britain IBF super-middleweight champion James DeGale (30) le WBC Champion Badou Jack (34) hai chu January 14, 2017, 04:00 (GMT) hin New York-a Barclays Centre hmunah inhnek an tih.

### Mirza le Strycova: Apia International Final beisei ang phaklo

Indian tennis inkhel thiem Sania Mirza le a partner Czech mi Barbora Strycova hai chun an khingpui Hungary mi Timea Babos le Russia mi Anastasia Pavlyuchenkova hai lakah 4-6, 4-6 a tlawmin Apia International women's doubles chu alo lakko ta nawh. Tuta tournament hi Sania le Strycova inkhel kawp hmasatak tum a nih. Kar liemta lai khan Sania hin America mi Bethanie Mattek-Sands leh lo inkhel kawpin Brisbane International an lo lak ta nghe nghe a nih. Hi inkhelna hi en nuom umin an inbeitawk hlea, first set-a hrat lem hai hi point khat chawin an insang lem a nih. Second set-a khawm inkhing taw hlein Sania le Strycova ha'n 27 points hmuin an khingpui hai hin points 30 chau an hmu ve a nih. Sania chun "cup kan dit lei ni loin, kum kan that em lein hin takin um kan tih" tiin a hril.



### Prodigy Isak: Sweden goal thuntu naupangtak



**STOCKHOLM:** Sweden tlanglake Alexander Isak chu kum 17 le ni 113a upa niin goal a thun lein Sweden football player lai goal thuntu naupangtak record a hung siem tah. Hi record hi Ningani zana Ivory Cost le friendly match an nei tuma a siem a nih. Hi macthes hin Sweden hai hin an khingpui hai 2-1 in an hneban a nih. Record a siemzo ni tlawmte liem hnung, Solvaka hai le friendly match an inkhel tum khawmin minutes 19na chaw goal a thun nawk bawka a nih. Isak hi Sweden club-AIKa inkhel mek a nia, a goal thun hin kum 100

neka tam liemta laia record lo umta Erik Dahlstrom chu a khum a nih. Ama (Erik) hin kum 1912a Finland le an in inkhel tumin, kum 18 le ni 1 niin goal a thun a nih. Stockholm a peing Isak hin seasons an lang hmasatak tum, kum 2016 sung kthes-a club-AIK ta dingin 24 macthes-ah goal 10 alo thun ta bawka a nih. Ama hi Sweden player tha, tuta Manchester Uniteda inkhel mek Ibrahimovic tlaktu dinga ngai a nih. Ibrahimovic khawm hi kum 19 in Sweden ta dingin inkhel tanin, kum 20 anin a country ta dingin goal alo petlut ve a nih.

### INTERNATIONAL CLUB FRIENDLY MATCH REVIEW

### Borussia Dortmund chun Standard Liege 3-0 in an hne

Mid Season Friendly Match -ah Borussia Dortmund chu an la thaw tha pei a, Ningani zan khan Belgian Club Standard Liege hai 3-0 tawpa hnein hma an sawn pei. Thomas Tuchel le a rawihai hin Irninni khan PSV hai 4-1 in an lo hne zo chau a, tuta an hrat nawk lei hin anni-ah inringtawkna an sang zuol hle ti thei a nih.



khingtieng pang defender pathum tawp lakah a khat chawu khal thlengin goal mawi tak a thun a, 2-0 in hma an thuoai ta a nih.

Chu hnungah thla hni sung deuthaw hliemna leia inlang ta lo Raphael Guerreiro chun hun tawp hma Minute 17 char a la umin goal dang a thuna

lein Standard ta ding chun hei thungrul zo zai seng chu an ta nawh. Tuhin Dortmund hai hi Bundesliga (German Premier League)-ah parukna an ni mek a, January 21 khin League match sunzawmna dingin Werder Bremen leh inkhel an tih. Chu hma chun Paderborn leh Friendly Match vawikhat inkhel

bawka an tih. Borussia Dortmund hi German Club laia hlawtling ve pawl an nih a, German Championship wavi 8 an lak ta a, Champions League vawikhat an lak ta bakah UEFA Winners' Cup an lak ta bawka bakah Cup tenau dang dang iemani zat an lak ta bawka. German Club laia Cup Winners' Cup la hmasa tak an ni bawka.

Standard Liege hai hi Belgian Club inlar pawl ve tak an nih a. Belgian League wavi 10 an lak tah a, chun Belgian Cup wavi 7 an lak ta bakah kum 1981-82 kum khaan European Cup Winner's Cup Final chen khawm lo kai hiel an nih. Anachu kha kum khaan Barcelona lakah 2-1 in an hrat naw lein Cup an lak zo naw a nih.